

На стиховне,

глас 4: Подобен: Званный свыше:

Восхваляют лю́дие псалмы́,/ вкупе и пёсньми/ твою́ славную память,
Геор́гие,/ яко благолепна бо возсия и светно́сна,/ украшена славою и
благода́тию./ Тёмже играют ныне Ангельстии ч́ини,/ хвалят же мученицы со
апóстолы/ твоих подвиг, мучениче, страда́ния/ и воспевают прославльшаго тя
Спа́са,/ Христа Бога на́шего.// Егоже моли спасти и просветити души на́ша.

Стих: Праведник яко финикс процветет,/ яко кедр, иже в Ливане,
умножится.

Облечен во Христово всеору́жие,/ обрелся еси, Геор́гие, не и́щущим тебе́,/ ты́ бо, за Христа огнем распала́емь/ и ругаяся богов суетных безбожному
сверёпству,/ тогда воинствую Царю моему́ Христу́,/ беззакóнным взыва́л
еси,/ ни зверие, ни колеса же, ни ина му́ка/ мене разлучити возмо́гут когда́/
любве́ Христа моего́.// Егоже моли спасти и просветити души на́ша.

Стих: Насаждени в дому Господни,/ во дворех Бога нашего процветут.

Небрег о сосудех многообра́зных/ и о различных му́ках/ и о ору́жиях
стра́шных/ венценосче Геор́гие,/ благочестия мученически течение сконча́л
еси́,/ Тёмже пресветлую па́мь твою́/ цветы песненными венча́ем/ и честныя
твоя облобызаем верою мо́щи./ Но, яко престолу предстоя Влады́ки,/ Христа
Бога нашего, моли́ти не преста́й// спасти и просветити души на́ша.

Слава, глас тойже, самогласен:

[Студитово] Разумнаго адаманта терпéние,/ братие, духовно восхва́лим,/ Геор́гия,
славнаго му́ченика,/ егоже, за Христа разжигáема,/ коваху беды, и
изостриша му́ки,/ и различная мучения изнуриша тело, естеством тлénно,/ побеждаше бо
желáние естество́,/ смертью понуждая рачи́теля/ прейти к
желаемому Христу Бо́гу// и Спасу душ на́ших.

И ныне, праздника.

На Благословении хлебов тропарь, глас 4:

Яко пленных свободи́тель/ и ни́щих защи́титель,/ немощствую́щих вра́ч,/ православных
побóрниче,/ победоносче, великомучениче Геор́гие,/ моли́ Христа Бо́га// спастися душáм нашим. **[дважды]**

И Богородице Дево: единожды. И прочая.

На Утрени

на Бог Господь тропарь праздника дважды.

Слава, святого:

Яко пленных свободитель,/ и нищих защититель,/ немощствующих врач,/ православных поборниче,/ победоносче, великомучениче Георгие,/ моли Христа Бога// спастися душам нашим.

И ныне:

Еже от века утаенное,/ и Ангелом несведомое таинство,/ Тобою, Богородице, сущим на земли явися Бог,/ в неслитном соединении воплощаемь,/ и Крест волею нас ради восприим,/ Имже воскресив первозданного,/ спасе от смерти души наша.

Величание:

Величаем тя,/ святой великомучениче и победоносче Георгие:/и чтим честная страдания твоя,/ яже за Христа,// претерпел еси.

Стихи: Бог нам прибежище и сила. **Я**ко Тебе ради умерщвляеми есмь мы весь день. **П**роидохом сквозе огонь и воду, и извел еси нас в покой. **С**его ради не убоимся, вегда смущается земля. **Р**азжегл еси ны, якоже разжизается сребро.

Степенна 1-й антифон, 4-го гласа.

Прокимен, глас 4: Праведник яко финикс процветет,/ яко кедр, иже в Ливане, умножится.

Слава: Молитвами святого великомученика и победоносца Георгия/ милостивее очисти...

И ныне: Молитвами Богородицы...

По 50-м псалме, глас 6:

Днесь вселенная вся страсготерпца просвещается зарями,/ и Христова Церковь, цветы украшаема,/ Георгие, вопиет ти:/ угодниче Христов и заступниче теплый,// не престай моляся о рабех твоих.